



## **AMABWIRIZA AGENGA "FERWAFU WOMEN PEACE CUP 2025"**

Dushingiye ku ngingo ya 2 n'ya 33 by'Amategeko Shingiro ya FERWAFU n'ingingo ya 28 y'Amategeko Ngengamikorere ya FERWAFU;

Dushingiye ku ngingo ya 12 n'ya 13 by'amabwiriza agenga amarushanwa ya FERWAFU yo ku wa 23/11/2022;

Twemeje Amabwiriza akurikira:

### **IGICE CYA MBERE: INGINGO RUSANGE**

#### **Ibisobanuro by'amagambo:**

- **FERWAFU** : Ishyirahamwe ry'umupira w'amaguru mu Rwanda
- **FERWAFU WOMEN PEACE CUP** : Irushanwa ry'igikombe cy' Amahoro rikinwa n'amakipe y'abagore abarizwa mu kiciro cya mbere n'icya kabiri.
- **IFAB**: Inama y'Ubuyobozi y'umupira w'amaguru ku isi.
- **Komite Nyobozi**: Urwego Ngengamikorere kandi ruyobora FERWAFU.
- **Amategeko agenga Umukino**: Amategeko agenga umukino ashwirwaho na IFAB hakurikijwe ingingo bijyanye z'amategeko rusange ya FIFA.
- **Umukinnyi**: Umukinnyi w'umupira w'amaguru wese wanditswe muri FERWAFU.
- **Umuyobozi**: Buri muntu wese uri mu nama y'ubuyobozi (harimo abagize komite nyobozi), uri muri komite nyobozi, umusifuzi, uwungirije umusifuzi, umutoza, utegura abakinnyi ndetse n'undi muntu uwo ari we wese ushinzwe

*ms.*

*[Signature]*

tekiniki, ubuvuzi ndetse n'ubuyobozi muri FIFA, mu rugaga mpuzamashyirahamwe, muri FERWAFWA, mu ihuriro ry'umupira w'amaguru cyangwa mu ikipe cyangwa abandi bantu abo ari bo bose bagengwa n'amategeko shingiro ya FERWAFWA ( usibye abakinnyi n'abahuza).

**Icyitonderwa:** Amagambo yerekeza ku bantu ku giti cyabo akubiyemo ibitsina byombi. Amagambo ayo ari yo yose ari mu bumwe asobanura ubwinshi kimwe n'uko ari mu bwinshi asobanura ubumwe.

### **Ingingo ya 1: icyo aya mabwiriza agamije n'abo areba**

Aya mabwiriza agamije gushyiraho uburyo **FERWAFWA WOMEN PEACE CUP 2025**(muri aya mabwiriza iritwa '**irushanwa**' ) izahuza amakipe yiyandikishije yo mu kiciro cya mbere n'icya kabiri mu bagore . Aya mabwiriza arareba abakinnyi, abayobozi n'abahagarariye FERWAFWA, abareba imikino n'abandi bafatanyabikorwa barebwa n'imigendekere myiza y'irushanwa.

Irushanwa rizakinwa hagati y'itariki ya 22/12/2025 kugeza tariki ya 01/05/2025/2025 rikazitabirwa n'amakipe 28 yiyandikishije mu buryo buteganywa n'amategeko.

### **Ingingo ya 2: Ibirebana n'abayobozi b'imikino (match officials)**

Komisiyo ishinzwe imisifurire muri FERWAFWA niyo izajya igena abasifuzi bayobora imikino mu gihe Ubunyamabanga Bukuru bwa FERWAFWA aribwo bushinzwe gushyiraho ba komiseri b'imikino.

Inshingano z'abayobozi b'imikino ziteganywa n'Amabwiriza ya FERWAFWA agenga amarushanwa.

mt -



### **Ingingo ya 3: Gukurikiza amategeko agenga umukino (laws of the game)**

Amategeko y'umukino (laws of the game) azifashishwa mu irushanwa ni ayashyizweho na IFAB.

### **IGICE CYA KABIRI: IMITERERE, IMIGENDEKERE Y'IRUSHANWA N'ABAKINNYI BEMEREWE GUKINA**

#### **Ingingo ya 4: Uburyo irushanwa rizakinwamo**

Irushanwa rizakinwa mu buryo bwo gukuranwamo (knockout system) hakinwa imikino yo mu rugo no hanze kuri buri kiciro usibye umukino wa nyuma n'uwo guhatanira umwanya wa **3**.


Amakipe 8 yageze muri 1/4 mu irushanwa ry'ikombe cy'Amahoro umwaka 2024 ntabwo azakina imikino y'amajonjora ni aya akurikira:

1. RAYON SPORT WFC
2. INDAHANGARWA WFC
3. AS KIGALI WFC
4. FATIMA WFC
5. INYEMERA WFC
6. POLICE WFC(APAER WFC)
7. GATSIBO WFC
8. NASHO WFC

Gushaka amakipe umunani azahura n'amakipe atazakina amajonjora hazakurikizwa igiteranyo kibitego ikipe ifite mu mukino ubanza n'uwo kwishyura(Aggrigate), ikipe izaba ifite igiteranyo cy'ibitego bike ntabwo izakina 1/8.

Uburyo Tombola izakorwamo kugira ngo hamenyekane uko amakipe azahura mu ijonjora ry'ibanze no muri 1/8 bizagenwa na komisiyo ishinzwe amarushanwa muri FERWAFWA .

*MA*



**Ingingo ya 5: Abakinnyi n'umubare w'abasimbura wemewe**

Abakinnyi bazakina iri rushanwa ni abafite impushya zibemerera gukina muri shampiyona y'umwaka wa 2024-2025 bahawe na FERWAFWA. Umubare w'abakinnyi bashyirwa ku rupapuro rw'umukino (feuille de match) ni makumyabiri (20).

Umubare w'abasimbura wemewe mu mukino ni abakinnyi batanu (5).

**Ingingo ya 6: Umubare w'abakinnyi b'abanyamahanga wemewe**

Ikiye yemerewe gukinisha abanyamahanga batatu mu kibuga. Ni ukuvuga ko kurupapuro rw'umukino ni 5 naho mu kibuga ni batatu.

**Ingingo ya 7: Ibigenderwaho kugira ngo ikiye ikomeze mu kiciro gikurikira**

Kuva mu mikino y'amajonjora y'ibanze kugeza mu mikino ya  $\frac{1}{2}$  hazakinwa imikino ibanza n'iyi kwishyura (aller et retour), Ikiye itsinze umubare w'ibitego byinshi ku giteranyo cy'imikino ibiri izajya ihita ikomeze mu kiciro gikurikira. Mu gihe nyuma y'umukino wo kwishyura (match retour) amakipe yombi anganya umubare w'ibitego ikiye yatsinze ibitego byinshi mu mukino wo gusura (away goal) niyo izajya ikomeze mu kiciro gikurikira.

Mu gihe amakipe yombi anganya ibitego yatsinze mu mukino wo gusura (away goals) cyangwa yaguye miswi mu mikino ibiri hazitabazwa penaliti (Tirs au buts) hagendewe ku mategeko agenga umukino (laws of the game).

Mu gihe amakipe yombi ashoje iminota 90 yagenwe y'umukino anganya umubare w'ibitego ku mukino wo guhatanira umwanya wa 3 hazitabazwa penaliti naho ku mukino wa nyuma hazongerwaho iminota 30 yinyongera nirangira amakipe anganya haterwe za penaliti.

**Ingingo ya 8: Imyambaro**

MA -

Ikiye yasuye ikinisha imyenda isanzwe yambara yamenyeshejwe igiye cyo gutangira amarushanwa. Igihe amabara asanzwe yambarwa n'amakipe agiye gukina asa cyangwa atera kwitiranya amakipe, ikiye yasuye ihindura imyenda yo gukinisha. Igihe umukino ubera ku kibuga kitari ikimwe mu makipe yakinye, ikiye yavuzwe bwa kabiri niyo ihindura imyenda yo gukinisha. Igihe cyose ikiye yasuye igomba kwitwaza imyambaro ibiri idahuje amabara mu rwego rwo kwirinda guhuza ibara n'ikiye yasuye.

Ibara ry'umwambaro ry'umunyezamu w'ikiye yasuye iyo risa n'ibara ry'imyambaro y'ikiye yasuye uwo munyezamu niwe uhindura umwambaro

### **Ingingo ya 9: Ibibuga n'amasaha**

Imikino izajya ibera ku bibuga amakipe yagaragaje ko azajya akiniraho irushanwa ndetse n'amasaha yagenwe n'Ubunyamabanga Bukuru bwa FERWAFU. icyakora, FERWAFU ishobora guhindura amasaha cyangwa ikibuga umukino ubera hashingiwe ku biteganywa n'amabwiriza agenga amarushanwa.

Amakipe agomba kugera ku kibuga kiberaho umukino nibura isaha imwe n'igice mbere y'isaha yagenwe y'umukino.

### **Ingingo ya 10: Guhagarika umukino**

Mu gihe umukino uhagaze bitewe n'impamvu zigoye kwigobotora (cas de force majeure) hakurikizwa ibiteganywa n'amabwiriza agenga amarushanwa muri FERWAFU. mu ngingo yayo ya 38.5

### **Ingingo ya 11: Kutitabira Umukino**

Ikiye ititabiriye umukino ubanza ntiyemerewe gukina umukino wa kabiri.

### **Ingingo ya 12: Gusezera mu irushanwa**

mt -



Ikipe yifuza gusezera mu irushanwa igomba kubimenyesha Ubunyamabanga Bukuru bwa FERWAFa nibura iminsi 7 mbere y'uko irushanwa ritangira. FERWAFa ifite uburenganzira bwo kugena ikipe isimbura iyasezeye mu irushanwa.

Ikipe yasezeye mbere y'uko irushanwa ritangira cyangwa nyuma y'uko irushanwa ritangiye icibwa ihazabu ry' amafaranga angana na 500,000 Frw bitabujije ko ishobora gufatirwa ibindi bihano na Komisiyo ishinzwe imyitwarire hakurikijwe ibiteganywa n'amategeko n'amabwiriza bya FERWAFa.

## **IGICE CYA NYUMA: INGINGO ZISOZA**

### **Ingingo ya 12: Ibiateganyijwe muriya ya amabwiriza**

Ibiateganyijwe muri aya mabwiriza hazitabazwa amategeko agenga amarushanwa ndetse n'andi mategeko namabwiriza bya FERWAFa.

Aya mabwiriza azatangira gukurikizwa guhera igihe ashyiriweho umukono.

Bikorewe i Kigali ku wa 31/12/2024



**Alphonse MUNYANTWARI**

**Perezida**



**Adolphe KALISA**

**Umunyamabanga Mukuru**